

ԳԼՈՒԽ ԾԳ.

1 Յաղագս կոչելոյ կրկին անգամ Շապուհ արքայի զԱրշակ արքայ Յայոց. եւ նորա երթալոյն, եւ միահաղոյն կորնչելոյն նորա:

2 Ապա յետ այսորիկ դարձեալ առաքեաց առ Արշակ արքայ Յայոց Շապուհ արքայ Պարսից, եւ ասէ. Իսկ եթէ հաճ եմք¹ ես եւ դու ընդ միմեանց, եկ տեսցուք զմիմեանս. եւ յայսմ հետէ իբրեւ զհայր եւ զորդի լիցուք ընդ միմեանս: 3 Ապա թէ ոչ տեսանես դու զիս, խնդրես զպատերազմ ի մէջ իմ եւ ի մէջ քո: 4 Իսկ Արշակ խնդրեր հաւատարիմ երդումն ուխտիւ ի նմանէն, զի յայսմ հետէ անկասկած երթիցէ առ նա: 5 Եւ նա ետ բերել՝ ըստ արիւնացն հաւատարիմ երդմանց թագաւորութեանն Պարսից՝ աղ, կնքել վարագ նկարագիր մատանեաւ, եւ յղեաց: 6 Չի թէ իցէ եւ զայն երդման եւս զհետ ոչ եկեսցէ², ապա կազմ լիցի տալ ճակատս պատերազմի ի մէջ իւրեանց:

7 Իսկ զայն եւս յորժամ տեսին եւ լուան ամենայն մարդիկն երկրին Յայոց, ստիպեցին բռնաբաւսեցին³ զիւրեանց թագաւորն զԱրշակ եւ շտապեցին, զի յարիցէ զնասցէ երթիցէ յանդիման լիցի թագաւորին Պարսից Շապուհոյ: 8 Յայնմ հետէ, թէ կամաւ կամաւ՝ եւ թէ ոչ կամաւ⁴, յարեաւ թագաւորն Յայոց Արշակ, ա՛ն ընդ իւր զգաւրավարն սպարապետն Յայոց զդայեակն իւր, խաղաց զնաց յերկրէն Յայոց յերկիրն Պարսից առ Շապուհ արքայ Պարսից. չոգաւ յանդիման եղեւ թագաւորին Պարսից Շապուհոյ: 9 Իբրեւ տեսին զնոսա, արկին ի շղթայս⁵ զերկոսեանն զարքայն Արշակ եւ զսպարապետն Վասակ՝ եւ պահէին զնոսա արծակ ի մէջ ազատագունդ փուշտիպան զաւրացն: 10 Եւ կոչեաց արքայ Շապուհ զարքայ Արշակ, եւ իբրեւ զծառայ իւր պատուհասեաց զնա. եւ նա յանցաւոր եւ մահապարտ զանձն իւր առ նա համարեցաւ: 11 Դարձեալ անդրէն ի նոյն գունդ փուշտիպանաց ետուն զԱրշակ արքայ ի պահեստ:

ԳԼՈՒԽ ԾԴ.

1 Յաղագս թէ ո՛րպէս զդիւթսն եւ զքաւղեայսն հարցեալ Շապուհ՝ փորձեր զմիտս Արշակայ, եւ տայր զնա յմտուշ բերդն, եւ կամ զՎասակ սպարապետն Յայոց չարամահ հրամայէր առնել:

2 Ապա կոչեաց թագաւորն Պարսից Շապուհ զդիւթսն եւ զաստեղագետսն եւ զքաւղեայսն. խաւսէր ընդ նոսա եւ ասէր՝ եթէ ես բազում անգամ

1 *Օրինակ մի՝* հաճիմք
 2 *Օրինակ մի՝* երթիցէ
 3 *Յերիս օրինակս՝* բռնազբօսեցին
 4 *Օրինակ մի՝* թէ կամաւ թէ ակամաւ
 5 *Չիք յօրինակին*